


~ 16
2793
5



八 16
2793
5

空同子集

卷之二十二

北郡李夢陽撰 東莞鄧雲霄潘之恒蒐校

詩類四之五 七言古

李進士醉歸圖歌 鄭生畫像歌

畫魚歌 林良畫兩角鷹歌

松牕讀易圖歌 鍾欽禮山水障子歌

贈郭氏畫登遊快閣歌

觀序上人所藏陶成畫菊石歌

題畫二首 張侯藏張暈山水歌

畫馬行 西山湖春遊圖歌

昭和十九年
三月二十八日
購求

畫竹行

題京口人山水圖

題畫搥筆成詩

錢選畫張果圖歌

周文靜畫雪山圖歌

題畫送人還歙

壽九圖歌以上題詠

登天池寺歌

御製廬山周顛碑歌

遊棲賢橋歌

懷玉山歌二首

鐵柱引

快閣引

九江陸還南康

觀水簾泉歌

結腸篇

哀才公

哭新縣

觀燈行

石將軍戰場歌

玄明宮行

康郎山歌

乾陵歌以上悲悼

右次題詠三十五首

七言古五凡三十九首

題詠

李進士醉歸圖

誰將一幅雪白絹放筆橫掃黃金殿五雲飛花白片
片李生胡此開生面御河塵昏楊柳暮彷彿初罷南
宮宴 皇帝龍飛十二春同時三百登要津曹生李
生余最親曹甥李也傳經人光耀雖云丈夫末不聞

致君須致身自汝白手扣閭闔想像紫陌行騏驎曹
留李歸事亦變李生意氣圖中見醉歸扶起杏林下
眼花熟人無識者飛鳥來窺進士巾遊絲故習誇官
馬卽論此馬亦有神畫出紫焰方瞳真嚼勒齧膝如
待人長行大步不動塵絡頭鞵鞭純用銀細巧似織
翻江鱗汝昔出門驢無騎曹生共被耳鹽齋比許欲
入周召列成就耻與蕭朱齊於乎男兒一旦榮幸果
如此生不報國老空悔

鄭生畫像歌

巖風颯颯樹葉赤秋林紫氣丹丘積問君胡爲坐石

根微吟極望天雲昏南歸舟楫杳將滯故園花鶯當
復存浚儀張生好作筆貌爾形似兼其魂細模妍描
豈乏手傳真水月煙中柳意氣朗如千里骨精神合
居萬人首憶昨觀君飛射時彎弧走馬實男兒更求
張筆須傳此欲識英雄豈啻詩

畫魚歌

呂公手持畫魚障清晨掛我北堂上島嶼晴開雲蕩
蕩衆魚出沒隨風浪四壁蕭蕭起寒漲嗟此數尺障
天機妙入神信手掃絹素慘淡開金鱗濠梁斷裂東
津遠任公掣釣滄溟晚此時天黑衆魚出鼉鼉徙穴

蛟龍返或言乘潮萬魚集細小亦趨雲雷入咫尺波
濤有得失崛強泥沙恐難立細觀又似洪河風崑崙
旣道龍門通霹靂殷殷行地中鯉眼下射盤渦紅非
獨一身生羽翼亦有數子隨飛龍山根小魚更無數
鱣鮪昂藏噴煙霧美人修竿淇水闊漁子孤舟洞庭
暮我生好奇古覽畫心不動呂公此障誰爲之令我
一見神色竦想當經營始筆端萬鈞力五湖齊傾日
海立空牕滾滾拔浪急陽侯逆走天吳泣不然千魚
萬魚何由集我聞神怪物變化不可料點睛破垣古
有兆卽恐風雷就壁起養人揮刀莫相笑

林良畫兩角鷹歌

百餘年表畫禽鳥後有呂紀前邊昭二子工似不工
意吮筆決背分毫毛林良寫鳥祇用墨開縑半掃風
雲黑水禽陸禽各臻妙掛出滿堂皆動色空山古林
江怒濤兩鷹突出霜崖高整骨刷羽意勢動四壁六
月生秋颺一鷹下視睛不轉已知兩眼無秋毫一鷹
掉頸復欲下漸覺颺颺開風毛匹綃雖慘淡殺氣不
可滅戴角森森爪拳鐵迥如愁胡背欲裂朔雲吹沙
秋草黃安得臂爾騎四驥草間妖鳥盡擊死萬里晴
空灑毛血我聞宋徽宗亦善貌此鷹後來失天子餓

死五國城乃知圖寫小人藝工意工似皆虛名校獵
馳騁亦未事外作禽荒古有經 今皇恭默罷遊燕
講經日御文華殿南海西湖馳道荒獵師虞長俱貧
賤呂紀白首金爐邊日暮還家無酒錢從來上智不
貴物淫巧豈敢陳王前良乎良乎寧使爾畫不直錢
無令後世好畫兼好畋

吳偉松窓讀易圖

仄巖泉流石無數素壁濛濛起煙霧君家屋宇在城
市何以堂上生松樹側聞江夏生氣酣揮毫素絕筆
風雷拔地起意匠鑿天天爲怒泰山古根生眼前俄

頃縮出徂徠山懸蘿掛薜藋裊裊黑復有草舍松之間
牕間老人鬢髮秃手翻一編周易讀空山瑟瑟翠濤
激長干冥冥暮花撲遠知旣已死希夷不復作青邱
石室杳何許恍然置我此溪壑翻愁一夕雷電入六
丁追書上寥廓又畫石下根屈曲如老龍胡奴暝踏
孤岩崑蓬頭赤脚露兩肘月明汲泉山澗中却憶前
年召畫師江夏吳生亦與之短褐垢臉見 天子禮
貌雖村骨格奇 帝令待詔仁智殿有時半酣被召
見跪翻墨汁信手塗白日慘淡風雲變 至尊含笑
中官羨五侯七貴爭看面請觀此幅松舍圖黃金失

價連城賤吳生吳生太氣岸一言不合輒投硯

鍾欽禮山水障子圖

鍾子始學戴文進後來頗自出機軸山林槎枒波漫
靡骨格雖傳氣不足此幅樹石差可意綴得茅堂傍
江麓連山遠勢亦可取轉折頗似瀟湘曲竹嶼陂陀
九疑隔蒼梧洞庭濕雲白黃陵美人把瑤草天寒日
暮行空澤鷓鴣雙飛鴻鴈宿榭樹颯颯江水碧細看
谷口花又疑武陵源孤舟欲往不可得對此彷彿聞
清猿亭間更著四老翁衣冠各異鬚眉同紫芝山深
石漠漠悵望萬里來悲風人生有形貴自適我今胡

爲塵埃中觀盡感事面顏紅有畫如此何必工歌徹
目送滄洲鴻

贈郭氏畫登遊快閣

昨朝快閣舉目無江湖凭闌二豪俱徘徊把杯思欲
丹青寫之人則無城中郭清狂一生弄丸戲洪鑪方
瞳如水霜半顱展紙爲掃登閣圖邑城隱見林木扶
畫我快閣上半年風立樓觀孤急流波濤沸欲動前
山雷雨勢可呼二豪意態各亦足彷彿指說荆與巫
回顧東海猶一盂是日南風萬船集江隅郭亦畫出
檣之烏精密似跨北海杜筆力頗凌江夏吳江中流

雲西北徂又若萬里獨往朝京都我心與客方念此
郭能畫之真奇士

觀序上人所藏陶成畫菊石歌

陶生畫菊石潦草有筆力此石與此菊今爲序公得
兩株徙倚石根前古石苔蘚屈連錢復有餘株散在
地平坡雜草青烟絲回株點綴花翩翩含姿弄態不
一足背向織穠皆可目突如大家貴介女珠翠雖留
氣莊肅近時名手計汝和此生筆力方之過江東徐
霖學畫石效顰差勝王與可亦知神品多冥契下筆
巉巖拓高勢石磊磊今菊漫漫清霜古路花斑斑遠
意頗類東林山東林昔築蓮花臺彭澤攢眉不肯來
歸家對菊獨銜杯序公叢林號白足不重蓮花畚重
菊終然畫餅不充腹何如種向西山麓秋林含芳采
服食煮石煉藥亦爲得愛鷹愛馬古有之不獨序公
何太息

題畫

雪城陰陰氣蕭瑟鄭生提畫來相訪面顏戚促意不
樂告我欲買南行舫覽畫指點色惆悵雨倒江翻拔
層浪君不見江上篔簹翁歸遲水逆憂天風

其二

江寒雨急莽無路漁人撒網乘煙霧魚蝦瑣細不直
錢汝休輕觸蛟龍怒展畫見此心中悲犯險覓利古
所卑只今風浪無晨暮爲問安流歸者誰

張侯藏張暈山水歌

張暈有名成化間大塗小抹成山水樹石燥硬筆意
古徃徃人間落片紙此幅麤淺色更枯或謂非暈出
其子張侯識鑒天下精物物如金見沙底爾家圖畫
千萬軸素壁高堂安用此寧知上智不滯物牝牡不
貴貴者骨尺山即如對玄圃草屋臨岵氣出沒岵根
林堂頗清迥遠雲澹沲開秋嶺霜蘿細紆巖檻暝昏
猿接掛花溪靜自從去年拋棄官夢想山遊駕江舸
見此拂衣便欲往攀緣轉玩情無那岵亭更著一人
坐斗絕看書樹婀娜張侯豪曠人共知敏授言設皆
勝我鹽車鬱沒騏驥棄蹇拙逢時每相左崑崙洞庭
不我隔異時倘結煙霞果

畫馬行

嗚呼驂駟不可見世人任耳不任目玉勒金羈滿地
行可道中無千里足君收此馬畫者誰凝豪苦意求
其骨尺縑颯爽毛鬣動凌風似欲真馳突曹霸畫馬
無此精拂拭慘澹神氣生細觀決非近代物印押剝

落無姓名四海只今多戰爭安得此馬一敵萬絡頭
騎出千人驚擒戎破虜任橫行

西山湖春遊圖歌

我家掛出西山圖上有西山下西湖上堂見者怒氣
展問客何所怒何得生此嗔縱使撐天拄地無比倫
古人局量非今人罅間雖添兩禿松孰與遠勢開心
胸銀山鐵壁 皇陵東彷彿下走追飛龍一曲一折
苦不易可憐片素騰雲氣落花冥冥萬壑靜白日杲
杲千巖碎森沉不見雷霆仗照燦盡歷金錄寺回思
開疆 帝秉鉞燕山突立五鳳闕錦繡離宮巖嶮入

龍驩水戲滄溟竭君不見輦道哀湍瀉松栢摧枯虎
出沒至今守僧住湖傍琉璃湧動龜鼉忙事關體統
畫合諱點綴半露還半藏伊昔休沐屢憇此耳邊尚
憂金琳琅上林花艷何所無東風只恁吹西湖夾岸
小杏欲爛熳騎驢紗帽西郭途同行康何咸我徒祗
須十錢買尺魚旋挑土薺甘如酥朝來青暮望湖紫
衣行童隨挈壺大者鼓簧小吹竽爛醉花下鳥每呼
汝曹何處吾已翁十年獨看梁園紅傷心痛定忍復
說回首萬事真匆匆嗚呼故舊離合誰獨無使我不
悲堂上圖使我不悲堂上圖

來青軒名
望湖亭名

畫竹行

鄢陵王孫稱竹溪手自栽竹堂東西已詫白晝雷雨
入遽使六月秋雲低王孫拈筆傳竹神不得乃憶能
傳人黃筌異世與可滅本朝頗數東吳真一幅千金
擲不惜有時客來掛之壁壁上階前翠相射風行琳
琅戛摩仄四座慄慄生寒色陂陀沙嶼意勢遠洞庭
水落瀟湘晚白雲悠悠去不返叢篁寂寞雙妃怨於
乎畫形難畫心黃陵鷓鴣啼至今月不常盈日中是
人生何必長悲吟堂有佳賓膝有琴美酒一酌還一
斟竹溪子斟竹葉歌竹枝醉據玉案吹參差左杯酌
竹右畫師李乎孔乎吾則誰更須名手畫六逸并畫
王孫逸爲七

題京口人山水圖

青山逶迤如北固山下彷彿京口樹茅堂花蹊三月
暮萋萋舊草春遊路一從畫師掃煙墨客堂日夜流
江色江色依微帶甕城遊子歸魂逗南北

題畫搖筆成詩

去年得歸離江州七日遂登黃鶴樓南風捲江浩呼
洶虺轟欲翻鸚鵡洲七澤莽昧不入眼孤舟屈曲襄
河轉數月已擲檀家湖夢飛每到羊公峴峴脚山南

東道樓秦川公子醉悲秋檻邊斑竹古猶活雲石寂
寞蒼梧愁重華馭遙不可叫白沙黑猿疎樹幽看圖
彷彿曾遊處素壁青天漢水流

錢選畫張果圖歌

張果者中條山人也武后聞其有道術召之果
遽死後復出往來汾晉間玄宗使李嶠齋璽書
造請焉果至舍集賢院詔肩輿入禁中問治理
神仙之事帝悅焉欲以玉真公主妻果果不從
辭還山果蓋剪紙驢乘之不則折收巾笥中而
錢圖故落於俗家今爲沔守李得矣

張翁紙驢真無錢也何意傳其圖印記雖明幅斷
裂李侯完之亦奇絕所恨圖尾錢有詩就蛇添足將
無癡憶昔翁來集賢院入宮詔許肩輿便一日聲名
人主動千年面目吾今見帝貌深沉玉榻雄侍人一
異三人同漢皇信有瑤池降秦始狂慕蓬萊通玄言
未竟鈴殿風寸驢躍出青箱空有僮追捉雙眼紅此
驢躑躅盤當中李侯一看一絕倒每稱獨苦嗟良工
細觀張翁骨格古徐福五利寧其伍曰嬪真令天下
疑遄歸轉覺皇心蠱長生殿前牛女辰廣寒仙桂舞
鸞身世間但識申師巧誰解中條放浪人

周文靜畫雪山圖歌

周生雪山世稀見遠水近水一足練玉崕嶽嶮插湖
脚粉筆徐移掃高閣瓊枝鐵柯兩迴亞龍鱗犀甲歛
參錯林風颯颯急霰起白日冰花逐毫落天愁地慘
意各出霧合颺回勢逾惡人言四時冬最難周生善
雪仍善山虛堂突立萬仞壁尺素乍轉千重灣彷彿
寒封洛陽道得無白擁藍田關袁安其臥幾時起退
之遭竄終召還倚山亭亭一孤松仄崕峭壑盤其中
分毛聳榦一何傑畫者有意排嚴風君不見古來梁
棟必此物願君愛之類拭拂

題畫山水送人還歙

黃山沙溪杳何許圖之山水無乃是軒轅宮宰相里
山人一出彌荆杞石林漠漠蹊徑苦霜鶴夜悲猿嘯
哀紅顏踪跡半湖海白頭覽畫思歸來溪頭繫一船
畫師本無意宛如倦游者無復舟航事水雲迤邐山
雲高靜定方知動者勞回思少日歡娛地至今夢寐
猶波濤

壽兄圖歌

猗嗟我鳳生三雛二雛成立少者俎爲巢抱卵兩不
易自挺獨立身羈孤兄旣躬耕濁河岸弟亦塌翅青

雲途兒長女大願各足雞肥酒熟時相呼仲氏吹箎
墳者伯允今六十我半百敢言意氣激墮俗要使紛
紛覩標格大梁張路固好手湖州生絹照眼白當堂
掉臂掃丹墨倏忽老面開生色盤松葳蕤雜花遠雲
屏石几文鹵輭靈芝底出琅玕瓶蟠桃突磊琉璃椀
鶴行昂藏疑欲啄復綴山麋意逾宛大公烏紗微俯
身中心愛弟愛復親次公髦服青羅巾傍兄祗順情
性真壺陳尊設卽未舉儼如酬勸言辭諄其言伊何
懷二人飄風烈烈吹三秦銜悽西望道路阻高丘
杳狐兔隣又如自叙傷夙昔衰暮安寧思苦辛季冬

十日兄生日今日天開皎日出長裾珠履座上滿剝
斝椎牛酒盈室此時此罔挂之壁觀者嗟咨黯如失
二公揖遜恰相向回看乃在畫圖上骨法形神各不
疑輿臺緝御俱惆悵透迤拂拭諸欲動展轉顧惜嗟
宗匠瓶中梅菊誰致女倒映芝桃故相盪鞞灼真回
綺席春芳香解溢金罍兄今健飯猶廉頗丹砂我
煉尋黃婆復聞張生善山水買絹請掃青嵯峨嵯峨
一掃一千幅一年一幅南山歌

遊覽

登天池寺歌

廬山絕頂天池寺鐵瓦爲堂白石柱傳言周顛勞
聖祖天眼尊者同顛住嶮絕下闕無底壑屈曲穿綠
惟一路頃屬秋晴強攀陟俯之四海生雲霧岷峨纒
垂西向我杳杳長江但東注君不見寺東崕石鐫竹
林穹碑 御製山之岑周顛胡不留至今周顛胡不
留至今虎啼日暮愁人心

御製廬山周顛碑歌

廬山絕頂白鹿臺上有 御製周顛碑石龜下蹲高
結螭天葩震烈雲漢回文古雨漢仍過之憶昔草昧
龍虎鬪黃旗紫蓋顛能知顛也似真還似癡 帝非
感悟寧用茲百年勢移功漸泯碑亭毀裂將及碑訶
持白晝鬼神泣光耀天陰雷電隨先朝雖允僧奏劄
修葺其如歸有司有司顛莫覓試看碑文碑後
詩

遊棲賢橋歌

雷泉峽激石龍從日湍山陷回光動吁嗟此壯觀萬
古誰爲開過黃潭黑窈莫測秀黛碧玉何崔嵬人言
窟底有龍臥氣吐白晝常風雷去年重九登吹臺翹
望名山思嫋娜今年今日誰料吾醉踏窮山躡礪砢
拂衣欲上萬仞壁濯纓還就孤崕坐秋風吹林猿狖

語浮橋橫空裊相柱嵐寒細飄瀑布雪峰雲破碎芙蓉裂金枝瑤草真有無縹緲仙燈暮明滅君不見此橋今千年谷冷跡絕無人煙巖剝苔蝕石漠漠太白紫陽俱我前對此不須更慘愴明朝且上香爐巔

懷玉山歌

懷玉之山玉爲峰四面盡削金芙蓉東峰破碎瀑布落有潭十八龍爲宅山頭草堂開者誰斬木通道余心悲白猿嘯雨巖竹裂石路上天風樹吹我聞龍乃變化物羣然臥此龍何爲胡不滂沱惠下土一洗四海無旌旗

其二

君不見懷玉山山七盤盤盤上無極陰霾白日壅洞黑隆冬雨路誰來得稻田月池山上頭半天有地今我遊石壇剝落古佛棄木落俯見東巖湫湫中巨魚長如人紅眼射日翻金鱗天台桃源在何許采藥避秦此處吾告汝

鐵柱引

豫章古城牙城南何年鑿井置鐵柱井深江通沒不見時寒水涸始一露玩之非石亦非鐵孤立差牙若枯樹人言旌陽鎖水母此語荒唐奚所據或云藉此

壓江濤茲理或有誰者勞顧今伏臘盡奔走歸美真
君瑤殿高金燈翠旗日來御雕闌玉檻園周遭俗論
紛紛不須辨秋風日暮塵滿縣

快閣引

四月月圓登快閣天半晚牕雷雨入邑中上客攜酒
至歐陽羅子咸來集去年爲閣初築臺我時登之雷
雨來神明似有兩歲約晴霧歛值千山開千山迴轉
江中流徙倚闌干增暮愁夕日下看衡嶽破波濤左
顧匡廬浮苦思昨年生盜賊大江南接江之北烽火
遙連海岱紅綬雲眼見鄱陽黑斯邑海河今始安我
今對酒能不寬諸君稍減般移苦百姓新回種植歡
北風江湧月東來更說夙昔俱停杯陰晴倉卒不自
料萬事恍惚誰能猜潢池暫殄干戈釁向隅猶抱瘡
瘼哀勸君置此勿復道放歌且與雲徘徊

九江陸還南康望東林

匡廬山北東林寺前年八月遊曾至只今馬出蓮峰
道西望東林但縹緲風吹榭櫟猿晝啼卻憶石門臨
虎溪舊聽石瀨尚在耳雷燒碑樹今應死

觀水簾泉歌

水簾瀑布人罕至三級背懸五老峰礧石嵯岬路險

澀深窟風草吟蛇龍自從開闢藏難見可憐彼瀑蒙
稱羨走勢天晴萬古雷流光壑暝常留電亂峰雲走
白日微翫罷催君及早歸鬼神忌才亦好靜恐有驟
雨霑裳衣

追悼

結腸篇

李子曰結腸之事蓋予妻亡而有此異云奠妻
以牲烹腸焉腸自毬結李子異焉曰胡為烹胡
為結恍惚神怪孰主孰使厥理孰測怨邪德邪
生有所難明死託以暴衷邪嗚呼嗚呼作結腸

篇焚妻柩前妻固識文大義或亦契其真懷也
哀者且停聲弔客坐在堂聽結腸篇曲短哀哀情長
五月廿七吾妻亡厥明奠之羅酒漿其牲伊何殯與
羊痛哉釜鬻結殯腸神靈恍惚心駭傷團團肉毬出
中腸左迴右盤準流黃經緯纏糾文陰陽底形井字
圖兩旁翼翼彷彿雙鳳凰有綏在下纍而長上有提
襟五寸強汝乎無意豈為此呼汝欲問魂茫茫十呼
不應百轉咽腸乎腸乎為疇結

其二

結腸結腸忍更聞妾年十六初侍君父也早逝母獨

存為君生子今有孫昔走楚越邁燕秦萬里君寧恤
婦人外好不補中苦辛中年得歸計永久命也百病
攢妾身言畢意違時反唇妾匪無迂君多嗔中腸詰
曲難為辭生既難明死詎知千結萬結為君爾君不
妾知勝在此

其三

結腸三闕聲更咽汝腸難解我腸結夙昔失意共奔
走汝實千辛我踰跌宕歸家定今稍寧豈汝沈絲遽
離絕魂乎魂乎游何方兒號女哭迴汝傍劇心飲泣
看彼蒼愚者何壽慧何亡佇立逶迤若有望迫而即
之獨空牀梁間二燕哺子急觸落青蟲汚我裳錦衾
塵埃委鴛鴦總帷中夜風琅琅魂驚夢搖中慘傷陰
雨啾啾燈無光嗚呼此曲不可竟為君賡歌妾薄命

哀才公

正德己巳年作此公嘗薦余故有國士之感

仲冬東南天鼓鳴我軍滅胡功可成道之將行歲在
巳星落轅門悲孔明尚書頭顱血洗箭馬革纏屍亦
堪羨夷門野夫國士流痛哭天遙夜雷電

是月雷電屢作

哭新縣

是時新設萬年縣新民反覆殺副使李情靈寶

人也

苦死可憐靈寶子有官十數同時死四路蕭蕭人斷
行一軍盡驚牀夜徙新民反覆誰不知性實虎豹伴
螻蟻白金綵段縱寬汝朝廷有問將何以

觀燈行

詳見夢華錄

宋家累葉全盛帝寬大實皆稱令主百姓牛馬徧阡
陌太倉米粟憂紅腐宣和以來遂多事嗚呼爛費如
沙土海石江花湧國門離官別殿誰能數群臣諛佞
祇自計天下騷然始怨苦正月十四十五間有勅大
駕觀鰲山萬金為一燈萬燈為一山用盡工匠力不

破君王顏此時上御宣德門樂動簾開見至尊奔星
忽經於御榻明月初上堆金盆傾城呼噪聲動地可
憐今夜鰲山戲窈冥幻巧百怪聚金蛾翠管堪垂河
借問幸臣誰云是李師師外有蔡京與蔡攸夾樓錦
幄羅公侯丞相之幄當前頭奚兒腰帶控紫騮如花
少女擎綵毬但聞樓上喚樓下黃帕籠盤賜玉羞月
高鳴鞭至尊起幄中環珮如流水爭道齊驅輦路窄
寺橋窈窕塵埃白火樹龍燈又一時千光萬焰天為
赤常言宴安成禍基從來樂極還生悲君看二帝蒙
塵日數月東京荒蒺藜

石將軍戰場歌

清風店南逢父老告我已巳年間事店北猶存古戰場
遺鏃尚帶勤王字憶昔蒙塵實慘怛反覆勢如風
雨至紫荆關頭晝吹角殺氣軍聲滿幽朔胡兒飲馬
彰義門烽火夜照燕山雲內有于尚書外有石將軍
石家官軍若雷電天清野曠來酣戰朝廷旣失紫荆
關吾民豈保清風店牽爺負子無處逃哭聲震天風
怒號兒女牀頭伏鼓角野人屋上看旌旄將軍此時
挺戈出殺胡不異草與蒿追北歸來血洗刀白日不
動蒼天高萬里風塵一劒掃父子英雄古來少天生
李晟爲社稷周之方叔今元老單于痛哭倒馬關羯
奴半死飛狐道處處驩聲噪鼓旗家家牛酒犒王師
休誇漢室嫖姚將豈說唐朝郭子儀沈吟此事六十
春此地經過淚滿巾黃雲落日古骨白沙礫慘淡愁
行人行人來折戰場柳下馬坐望居庸口却憶千官
迎駕初千乘萬騎下皇都乾坤得見中興主日月重
開再造圖梟雄不數雲臺士楊石齊名天下無嗚呼
楊石今已無安得再生此輩西備胡

玄明官行

今冬有人自京至向我道說玄明官本土侈麗誰辦

此乃今遺臭京城東割奪面勢創截業出入日月開
帡幪矯託敢與天子競立觀忍將雙闕同前斫石柱
雙螭龍飛梁透迤三彩虹寶構合沓殿其後儼如山
嶽翔天中金銀爲堂玉布地千門萬戶森相通光景
閃爍倏忽異雲煙鬼怪茫杳濛以東金榜祠更侈樹
之松檟雙梧桐溟池島嶼鯉躍孔雀翡翠兼羆熊
那知勢極有消歇前日虎豹今沙蟲牕扉自開衛不
守人時遊玩搖玲瓏陞隅龍獸折其角近有盜換香
爐銅青苔生泥獍面鎖野鴿哺子雕花櫳憶昔此闕
握乾柄帝推赤心闕罔忠威刑霹靂縉紳毒自尊奴
僕侯與公變更累朝意叵測培克四海真困窮長安
奪第塞巷陌心復艷此闕何蒙構結擬絕天下方搜
剔遂盡輸倖工神厥擇木內苑竭官阮選石西山空
夷墳伐屋白日黑揮汗如雨斤成風轉身唾罵闕得
知退朝督勞何匆匆人心嗟怨入骨髓鬼也孰復安
高崇我碑照耀頌何事或有送男充道童聞言愴惻
黯無答私痛聖祖開疆功渠干威福開者誰法典雖
嚴柰怙終錦衣玉食已叨竊琳宮寶宇將安雄何宮
不鐫護敕碑來者但看玄明宮

康郎山歌

君不見康郎山屹立東湖中波濤撼蝕山脚塌破廟
枯木常烈風芒碭草昧赤帝出揮劍遂使凡蛇空卧
榻之外事亦小萬方有罪惟朕躬美姬寶玉歸御幄
浮屍蔽江江水紅發踪劉陶固其力死戰難言非數
公秦人枉哭嶠函瘞漢祖輕酬垓下功至今有廟此
山側天陰雨濕時見朱旗白馬光如虹

乾陵歌

武后陵黃巢伐之
事具雪航膚見

九重之城雙闕峙前有無字碑突兀雲霄裏相傳翁
仲化作精黃昏下山人不行蹂人田禾食牛豕強弩
射之妖亦死至今剥落臨道傍大者虎馬小者羊問
此誰者陵石立山崔嵬銅鐵錮重泉銀海中縈迴異
也信力何由開君不見金棺玉匣出人世薈薇冷面
飛塵埃百年枯骨且不保婦人立身何草草

空同子集

卷之二十三

北郡李夢陽撰 東莞鄧雲霄欽潘之恒菟校

詩類五之一 五言律

郊觀齋居東邊喬二太常

郊壇直雪

西天門候祀

恭陪郊祀紀成

郊祀以病不與

卧病酬邊君天壇步月見懷之作

大行皇帝挽詩三首

候輓

望 恭陵

謁孔廟

益王頌

壇祀酒會

右次大禮一十四首

驪山

橋山

匏子

朱遷鎮

朱遷鎮廟

峴山

鹿門山

冬日仁和門外二首

令婆墳

始謁徐祠

徐墓書張初國碑銘

陳祠在徐墓東

韓文公祠

武陵郡公祠

徐蘇二祠

鵝湖書院

右次懷古一十七首

九日黃花鎮

九日應變齋居

九日慈恩寺閣二首

生日為懷

十二月十日

臘日退朝口號

七月十五月食不見追往

月食

元日汴上雲霧

清明河上寓樓獨酌

庚午除日

辛未元日

中秋南康

廬山九日

上元滕閣登宴二首

九日薛樓會集二首

清明曲江亭閣

端午贛州晚發

南康除夕

南康元夕二首

元夕風起南康

乙亥立秋

中秋二首

戊寅元夕

中秋喜客携酒見訪

十月月食不見

己卯元夕

庚辰清明東郭

九日上方寺二首

至日夜雪

癸未中秋不月

乙酉上元上方寺

中秋亭會

戊子元夕

己丑五日

五日莊上集

明遠樓春望

宜春臺春望

謝巖秋日始集

秋望

古城春望

東陂秋泛三首

春晴野寺和李大

城南夏望和王相國

春日臺寺

春日漫成

春宴二首

疊前韻二首

丙戌中秋召客賞之以雨多不至者

丙戌十六夜月

右次時序六十二首

五言律一

大禮

郊觀齋居東邊喬二太常

人日過仙院春霞紗紗分碧回瑤澤草紅綻藥官雲
獨處依松樹清齋對鶴羣桃源知並入惆悵不逢君

郊壇值雪

鳳輦連宵發鷄鳴雪滿畿嚴隨黃鉞至清繞翠華飛

伏謁深沾珮朝回半濕衣懸知清切地冲默近天威

西天門候祀

瑤壇暮雪盡月出禁門西地靜鳴珂碎沙寒簇仗低
臺官移斗柄衛士掃雲梯遙識龍文氣爭傳法駕齊

恭陪郊祀紀成

御氣三更合君王在闕宮燎煙凝碧落拜月起微風
上帝居歆夕文王陟降中諸壇嚴從慕元祀報成功
侑食珪璋繁登歌玉磬同神旋仍醉飽萬舞向春空
郊祀以病不與

端月温風至圓丘瑞霧多開壇洽百禮休枕想登歌

日月春旂閃雷霆晝輦過年年覲上帝只為乞民和
臥病酬邊君天壇步月見懷之作

霽夕開芳甸祠官悵獨遊銀潢橫殿落璧月抱壇流
漢時饒煙霧秦城逼斗牛甘泉詞調絕疲病若為酬

大行皇帝挽詩

弘治十八年五月

午門朝遂罷西殿臨真哀淚滿乾坤暮日黃風雨來
虎賁猶宿衛龍馭幾時迴莫測皇天意中崩帝業摧

其二

大訓文華踐英謀武範遠先朝無顧命大漸問功臣
上食金輿備移宮素幔垂工向來激切疏優渥小臣知

其三

元老炯仍在退朝無昔呼閒階惟玉輅夕日已金鋪
望幸霓旌遠埋靈山殿孤君看霜露節冠冕灞陵趨

候輓

冬月初圓夕含悲候輦東閣門猶警蹕松柏已新宮
象衛悲風入龍旂白霧中有髯渾欲挽雲墮鼎湖弓

望泰陵

昔臨園西內悲風入紫冥今來松柏望斜日泰陵青
殿起雲煙入龍遊劒璽局萬國今多難孤臣涕倍零

謁孔廟

端笏陪朝列時禋謁聖林戟門留石鼓春殿靜珠栒
奎府星連切璧池龍躍深詵詵趨國子早晚翠華臨
益王頌

憲宗王十子益府實稱賢體統朝廷半敦崇德業金
書堂斜晝日栒殿淨秋煙問寢還英嗣時研世子篇

壇祀酒會

齋居新宴合桂裏戟門開鴈赴龍旌到蚤喧羯鼓催
松筠分曙色劍珮接行杯日上雲霞散驂驪羽騎迴

懷古

驪山

繡嶺花仍繡湯泉滿故宮禁池人自浴新月古應同
玉殿興亡後青山涕淚中千岩歌吹入猶想翠華宮

橋山

青宮棲古岑白露靜松林忽下烏號淚遙悲龍去深
衣冠萬國後轍跡四方心一氣流羣帝哀謔笙鳳音

瓠子

沈璧餘瓠子橫汾懷帝歌波濤滿眼送城郭没年多
虎戰仍三晉龍遊失九河宋人饒事蹟今望亦滂沱

朱遷鎮

水店回岡抱春湍滾白沙戰場猶傍柳遺廟只棲鴉

萬古關河淚孤村日暮笳向來戎馬志辛苦爲中華

朱遷鎮廟

宋墓莽岑寂岳宮今在茲風霜留檜栢陰雨見旌旗
百戰回戈地中原左社時土人嚴伏臘偏護向南枝

峴山

大名終不滅墮淚此山碑後進才非乏風流爾足師
古堂陰漢水新路改城池回首隆中接秋雲兩處垂

鹿門山

龐公真漢隴孟子復唐詩舊宅新秋葉孤墳千載遺
泉泉石穴細葛倚松門垂望望青峰近吾襟曠爾期

冬日仁和門外在大梁

寂寞何王殿遺墳此徑孤玉階翻雪草野日自金鋪
庶暝牛羊聚林風鳥雀呼白頭香火者猶護赤龍符

其二

二塚巋巋接聊城復定安二王世絕情哀宮獨盛世異柏

同殘久雨石門場新霜帷殿寒西陵時節望誰見縞
羅歎

令婆墳

國初掄秀姬分遣入周宮但覩丘墳鬱寧知龍哺同
後王忘昔日頽屋鎖春風寒食鶯啼切林花落自紅

始謁徐祠

予問何不用木主守者曰有像則人起敬

廟古傍湖偏春行更可憐楚城芳草徧紅日此堂懸
榻想陳公後時悲孝獻前亦知遺像誤瞻拜淚油然

徐墓書張相國碑銘

不讀南州傳誰知高士心江城遺塚在春日古祠深
竹鳥嚶嚶合松墻靡靡陰曲江千載碣書罷淚盈襟

陳祠在徐墓東

可訝司徒廟偏隣孺子墳哲人堪一哭漢鼎竟三分
門引江畔草榻留松上雲紛紛車馬客誰此薦清芬

韓文公祠

袁州山在城韓廟倚山清冕服前朝貌文章百代名
石苔猶馬路春竹自鶯聲立望潮陽近翻翻海氣征

武陽郡公祠

惠愛前人蹟追思後代心洪都觀察廟香火古江濤
白日江山過青松霜露深亦知精爽異應厭鼓鞀音

徐蘇二祠

孺子真高特雲卿崛後先揮鋤傲漢冕捆屨臥江烟
寧飫糟糠卑耻同貪濁全淒涼百代宇悵望一潸然

鵝湖書院

書院佛堂邊顏垣嶺谷連四時僧洒掃千古儼高賢

立壁東萊毅懸河子靜偏衆流終一海流淚考亭前

時序

九日黃花鎮

黃花遇九日風雨不逢花水湧石梁斷溪吞山郭斜
將軍午宴客欲醉忽聞笳困苦墩樓卒經年誰見家

九日應變齋居

時變逢搖落齋心對暮天未擒可汗日新起秦陵年
聽鴈真無那看花益泣然將歸思臨水愁絕宋生篇

九日慈恩寺閣

寶地元依海珠林更假山登臨千里九遇城闕五雲還
歌吹喧侯里邊烽入漢關望鄉歸未得能對菊花斑

其二

敕寺四圍湖秋林層閣孤天空木更響風落帽還扶
魚群梁下躍鳥影鏡中趨泛菊看山海寒烟暮有無

生日寫懷

昨日明朝是浮生此歲過黃雲薄暮積白髮向來多
壯士看雄劍幽人戀薜蘿異時論出處竊慮各蹉跎

十二月十日

今日吾兄壽蕭條自舉觴燕山非故里汴水亦他鄉
河鯉行思海原翎飛畏霜客居憐小姪潛望白雲長

臘日退朝口號

霽色催寒臘鷄聲下紫宸至尊深抱戚粥食罷嘗新
宮霧戎戎薄城鴉款款馴小臣憐歲序翹首待陽春
七月十五日食不見追往有歎

月食今年再中元與上元春晴燈火亂秋暝雨雲繁
漢將高城壘胡塵滿塞垣孤臣萬古淚偏灑秦陵園
月食

有明終不滅暫掩亦何虧萬國喧呼地三更鼓角悲
輪生桂與發光復兔還隨顯晦每如此人生祇自疑
元日汴上雪霽

旭日薰江檻晴雲麗竹屏簷花雪色靜庭篠碧滋歸
歲月高兒女行藏老蕨薇眼看人共醉椒酒不堪揮
清風河上寓樓獨酌

一自違京邑飄飄歎此遊桃花是往歲竹葉轉新愁
暮雨津城樹春帆水國樓汴河堤上柳烟色似皇州
庚午除日

于今將四十始悟昔年非白髮誰能那紅顏我漸違
行藏沙上鳥日月故山薇悵望勞歌起風河柳色歸
辛未元日

萬事渾如昨蹉跎四十臨取塗傷老馬聞道愧前禽

日變風雲氣春生海嶽陰趁時聊物賞此外更何心

中秋南康

同是中秋月匡廬只自看故臨石鏡上偏傍落星灘
北望關山隔南飛烏鵲寒鳳歌喧太液光憶滿長安

廬山九日

廬山隨晚坐江漢爭秋襟九日黃花雨書堂紅葉深
細雲飄古帙寒兕吼空林不用風吹帽尊前有靜琴

上元滕閣登宴

滕閣上元宜章江登宴時衣冠還大國唐宋自殘碑
燈火闌堪凭風塵淚欲垂黃雲驅日暮回首見征旗

其二

陽浦通新霧陰城帶古樓君王罷歌舞棟宇白雲留
草色歲年換客心江水流暮昏仍一望燈火萬家州

九日薛樓會集

不倦登樓日遙憐秋色重楓村疊暗浦霜日抱孤峯
楚越窻中地江山戰後容倚闌渾不語吾欲採芙蓉

其二

恰送重陽日能禁孤鴈來林稀山盡出風順櫓齊開
况是薛樓會難孤江上杯菊芳看莫厭秋色異鄉催

清明曲江亭閣

寒食花爭麗豐江柳獨深此行元慷慨落日更登臨
浩蕩五湖際風煙千里陰坐看舟楫急徒切濟川心

端午贛州晚發

戲倦龍舟返吾驅彩鷁行晚天開古驛轉眼過孤城
嫋嫋雲生瀨悠悠弟憶兄泛蒲雖念我寧解嶺邊情

南康除夕

畏途值除夕會我得投閒每雪寒城古江春碧草還
星河掛嶽樹燈燭慰歸顏竊計臨家日薔薇滿舊山

南康元夕

四海逢今夕孤城有獨身干戈猶野哭梅柳自江春
月向平湖滿鐙於靜夜親罷誼風乍起嗟爾楚南人

其二

嘈嘈市鼓動松月靜吾門燈火思今夜風光滿故園
天明淹舞袖塵暗失游軒老鬢江山異愁看旌旆繁

元夕風起南康

嶽雲黃裊裊夜半忽淒風度市春燈亂穿梅野樹空
人依青岸酌月漾碧湖中擬盡江城賞無欺蠟炬紅

乙亥立秋

今日秋風起連年濕病蘇應時微雨歇侵曉斷雲徂
已復寒蟬集空嗟蕙草孤步檐驚驟健一葉下庭梧

中秋

漢江江上月今夕去年看尚憶峴山曲秋城波色寒
故鄉仍節序衰鬢且儒冠桂子真誰種天空落未乾

其二

輝輝衆星沒宛宛孤輪高萬古今宵月青天首自搔
度閨螢息照懸樹烏分毛寂寞枚乘筆空懷八月濤

戊寅元夕

春色閨冬後元宵驚蟄邊軟塵欺月散繁火奪星懸
車馬中原地笙歌全盛年無勞驗花燼難測是皇天

中秋喜客携酒見訪

節有吾家會天能此夜陰蟾蜍逐月沒桂子落雲深
同是悲秋客况懷天柱心引盃光欲閃徙倚向東林

其二

雲出真誰料月行應自如闔然花逕裏忽枉故人車
落葉近坐滿清光中夜舒杯來不須却此意合躊躇

十月月食不見

頻食天應苦當宵地故陰悲生十月雨狂阻萬方心
武解香燈聚霜林鼓角沈復光何處滿願逐翠華臨

巳卯元夕

此夜門還閉中天月自看春催桂應發雪映兔猶寒

兒女添鐙鬧鄰家品笛殘少時思可笑走馬向更闌

庚辰清明東郭

少日歡游處逢春老大悲強持盃酒勸怕遣落花隨
草木梁園在山河宋殿移上墳人盡返岐路獨含思

九日上方寺

賞時爭上塔乘月復登臺地盡中原入天空秋色來
望鄉番恨鴈有菊且銜杯却憶龍山帽徒增醉者哀

其二

天地踈秋色樓臺敞客歌遠江寒自白落水晚堪多
月爲銜杯出鴻於鳴磬過霜橫不歸去吾意在烟蘿

至日夜雪

至後還深雪幽心獨小堂光躡奪片月寒恐如微陽
壓竹寧迷翠沾梅祗辨香一聲何處鴈翅濕且高翔

癸未中秋不月

碧桂行青鳳嬋娟集玉樓世人寧解覩天意漫陰秋
雲暹初光布星隨滿夜收開晴卽是月但遣一尊留

乙酉上元上方寺

地愛僧林僻人邀燈節游緣慳朝借馬改路晚登舟
春水鳧鷖滿夕陽鐘磬幽相留待明月簫鼓在中流

丁亥立秋

火多常病熱殘暑特相欺今日涼風至颯然林竹披
聞鷄每起早省稼獨歸遲天地蕭條意何須一葉知

中秋亭會

老去真耽月更深且醉遊影沾如畏露光冷是分秋
蛩故吟清酒蟾應笑白頭恒星藏不見坐待彩波流

戊子元夕

皎月臨元夜和風入始春過冬猶望雪思世轉愁人
歌館喧鳴鼓遊車匝暗塵黑頭宜努力吾鬢已如銀

巳丑五日

生歲沾宮扇含香拜玉輝只今飄白髮刈麥向東菑
植植鳴蜩日家家望雨時萬方多難意誰達聖明知

五日莊上集

園桂日佳色黃鸝時巧音美人翩紫馬携酒入花陰
艾席鋪能坐蒲觴乾自斟蜩鳴雖頗聒流轉是天心

明遠樓春望

貢院初開閣春陰獨倚欄柳邊千艦聚花裏萬家殘
風雨江聲壯兵戈地色寒斷腸沙鴈北群起向長安

宜春臺春望

古州圖記見今望臨高臺人倚楚天盡風驅湘色來
密雲生曉暝遠水上春雷尚有干戈淚馮軒眼倦開

謝巖秋日始集

百戰江山在吾來草木秋孤城洞口落襄水席邊流
去國雙王祭題巖只謝侯醉歸憶山簡飛興習池頭

秋望

葉茂首餘葉蟬吟已怯枝乾坤入漢日霜露望鄉時
上通不負隋晚楓江更苦莫上峴山祠

古城春望

陰陰日欲暮迢迢春望稀野色吹寒立林鴉逆雨歸
孤城還麥秀白首且花飛臨客

東坡秋汎三首

久說東坡好今陪上客遊綺筵開畫舫哀笛奮中流
舞每低輕燕歌先起白鷗稍前住

其二

水寺通人少松亭隔芰荷問僧舟暫艤登岸酒同過
湖山晚色和返橈須痛飲前路滿漁歌

其三

進艇晨烟碧回橈晚日黃宿禽喧亂葦饑獺竄空梁
放浪形骸得牽纏世路忙要君待明月此水是滄浪

春晴野寺和李大

野闊愛春幽新晴覓寺遊立僧當徑望融雪向門流

淨色悲諸界浮生晒一丘憐君厭囂俗行處卽滄洲

城南夏望和王相國

散步郊南望雛鴉款款飛園林惟草色時序已絺衣
試粉蓮初膩殘香棟乍稀亦思河朔飲無奈賞心違

春日臺寺

閑午任遊行隨碧草遠語爲老僧留
池竹晴常潤龕花晚更幽塔端兩巢鶴怪爾亦優游

春日漫成

豪真欺酒綠老每厭花紅人事三
雲霄猶放鴈時序又新菘潦倒元吾分金尊莫放空

春宴

物與吾何異春隨地不同游歌
牙世一杯外山河雙眼中無言時未夏已報石榴紅

其二

剛將客問花檻楊晴故雪堦藥晚能霞
地與歌鶯轉人爭舞燕斜但來須共醉莫使負韶華

疊前韻二首

昨與君游處今來訝不同早荷浮嫩水夏樹起初風
人醉孤亭上禽鳴萬竹中興深天亦助斜日片雲紅

其二

舊徑添雙樹新叢試一花春風逗笑語落日變雲霞
圃色隨人遠樓陰趁酒斜誰知在塵境遠爾隔紛華

丙戌中秋召客賞之以雨多不至者

隔年期月易一夕借光難秉燭筵非改登樓客不懼
午風火德力松雨夜留寒天柱峰頭色應還似晝看

十六夜月

是夕微雲中天遂朗因憶往時京華賦詩有清
虧桂闕一分影寒落江門幾尺潮之句人多傳
誦彼吾少俊今遽老醜

未收載

月豈無晴夜天終有散雲微微透今夕朗朗至宵分
鏡展池波暈珠明草露文呼兒暖

吳郡管珍王景奉參校

空同子集

卷之二十四

北郡李夢陽撰 東莞鄧雲霄敘潘之恒蒐校

詩類五之二 五言律

古意

賞遊

客散

遊兵

省中春暮

觀雪省中

聞砧

旅夜

除架二首

詠史

望極二首

定居

歸沐

春日大梁東郭



雜興

登臨二首

雨後朝望

早春繁臺

早春南郊

郊行

時事

被繫國境眺望

下吏

獄夜雷電暴雨

獄夜

南征

野戰

野泊

舟中病感

安仁聞夜哭

得家書

報生孫

徐汝風阻雨雪四首

徐汝阻舟七日

湖夜泛

廬山冬至聞雷

雪夜廬山觀月

南康聞還山之報

江州雨

霽

七夕宜城野泊逢立秋

撥悶軍園

野風

早起

繁臺歸集

繁臺歸興

正月十六日赴吳莊之宴二首

早春赴鮑相之飲

初春飲大道觀因題

宿江氏莊

題壁

春日余莊感舊二首

雨過

雷電

喜雨客會

晴

曉

早起莊上

莊上晚歸

新秋夜興二首

深秋獨夜

郊園省水二首

余園春日

河上秋興十首

閒居寡營忽憶關塞之游遂成七首

夏夜

寄書

春宴

熊子河西使回二首

汴城東樓夏登二首

田園雨燕客過三首

大道觀會飲三首

人折牡丹見贈賦之

客至二首

東園偶題

不淥漫補治小舟乘興泛遶數廻

月槐之下與程生談亦念其夏遊自去歲二首

秋雨

聞鴈

喜雪

嘲雪

雪晴

暑夜

右次感述一百一十七首

五言律二

感述

古意

內廐飛龍馬君王賜玉鞭長鳴彩仗下立在紫駟先
放逐緣何事飄零竟不旋如蒙敝帷顧萬里爲君前

賞遊

王者化無外玉門開至今笳閒青海外馬放白登深
漢將收金鼓胡姬弄玉琴宮中花月夜那稱賞遊心

容散

尊傾客自散而我臥空林五月涼風至孤村細雨陰
竹蘿垂野逕花草澹幽襟夢醒聞遙唱依稀楚鳳吟

游兵

聞道新開口游兵未解圍只須殊死戰莫放隻輪歸
漢月已自滿林鳥常夜飛早將書插羽天子日宵衣

省中春暮

禁漏煙花北分曹御苑西高林落日盡幽院集鴉齊
豈貴浮生趣常便靜者棲坐憐春事晚庭草日萋萋

觀雪省中

省葉辭寒盡庭花向暮飄黃雲變玄朔萬里入層霄
灑地紛紛密凌虛脉脉遙北風聊可詠携手不堪謠

聞砧

逸響綠雲起清砧入暮繁秋風吹落月萬戶更千門
寧知寄遠意不盡搗衣魂早晚逢西使流沙隔塞垣

旅夜

百卉已蕭索哀虫胡未休寒天清渭樹落月故鄉樓
古人猶涕淚吾意豈公侯誰誰南去鴈漂泊向何州

除架

種豆高於屋垂瓜忽滿庭恨深歷夏茂蔓弱望秋零
猥雜沉霜露縱橫礙月星斧斤呼稚子欲伐幾回亭

其二

炎時忻密葉寒至怨多陰自是衰榮理非關愛惡心
伐條近陽月開牖散秋禽但能存碩果無用歎蕭森

詠史

霸王淮圖並淒涼世徑分鯨鯢赴巨壑鷹隼失高雲
難折未游檻休嗟袁紹軍當時干帝紀一一動星文

望極

望極雲天黑關門落葉深古城饑雀啁長路斷蓬沉
發婦登樓思孤臣去國心此時看故壘何處不沾襟

其二

漢末忠良顯英名李杜齊伏機翻自中倒柄為誰携

碧海鯨鯢鬪蒼林虎兕啼南州徐孺子何事獨栖栖

定居

故業山北新居梁苑西平生一丘壑何處竟安棲
亥 終隨霧神龍或因泥向來登眺夢常繞杜陵溪

歸沐

歸沐謝人事翛然悲俗情陰陽爭歲色江海蓄春聲
自委青雲懶那教白髮生君看少年者騮馬盡飛纓

春日大梁東郭

桃柳清沙晚悵然悲遠春葉明深坐鳥花剝轉愁人
少小追權地乾坤放逐臣已看共如此何惜醉遊頻

雜興

泉木依繁塔五亭俯蔡河側思雲驥渡不忍黍離歌
窓裏遊天地春前種薜蘿養生誠計拙冥寂保天和

登第

屏迹良吾性逢辰每壯心花含向日霧柳變隔年陰
行坐自芳草依棲還舊林高樓出迴絕無日不登臨

其二

春燕不巢屋國祥徵至今孤城四戰地斜日兩河陰
岸坼陳橋斷花開宋苑深河船不入渭那慰望鄉心

雨後朝望

半夜雷驅雨清晨草映空起看南什樹知是北來風
宿霧籠初日晴天滅斷虹劇心時序晚遮莫傳巖功

早春繁臺

泯泯春猶早行行賞不違柳黃沙際見草色室中歸
漬水生垂氣孤城下夕暉誰禁臺寺望北鴈又將飛

田郊

正月郊南路獨行吟早春冰霜猶在眼柳色暗隨人
直道元通蔡層山故蔽秦浪遊今短髮凝望欲沾巾

郊行

午雪融村溢春沙引騎紆田禽忽自起水鶴會相呼
歇馬時傍柳逢花自倒壺醉眸橫落日寂寞宋京都

時事

幸觀三春媚番增兩鬢華賊來當白晝風起但黃沙
碧點依牆竹紅殘拂檻花寄言寇盜者四海尚為家

自境眺望

亦知塌翼鳥豈意爵羅求萬里勞明主孤臣淚暗流
臨京花更苦近苑柳偏愁愧爾雲間燕銜泥向玉樓

下吏

弘治辛酉年坐榆河驛倉糧乙丑年坐劾壽寧
侯正德戊辰年坐劾劉瑾等封事

十年三下吏此度更沾衣梁獄書難上秦庭哭未歸
圍墻花自發鎖館燕還飛况屬炎蒸積憂來不可揮
獄夜雷電暴雨

一雨暮何急孤眠宵未央疾雷翻暗壁落電轉空梁
勢急千山動光還萬里長天威終不測魑魅可潛藏

獄夜

簷景栖栖落臺居黯黯幽鼠緣爭果墜螢過隔衣流
幸竊餘光照那蠲多穴愁亦知廣川子跼蹐爲春秋

南征

暑行心日煩孤馬背中原地勢吞淮泗山形包鄧樊
沿途官柳接吟葉麥秋繁赤日蒸雲夢科頭思故園

野戰

盜賊乾坤滿縱橫野戰悲隨城嚴戍鼓平地有旌旗
樹燕翮相逐垣花寂自垂諸君大河北捷報幾時知

野泊

透電明江夜官舟野泊稀山鍾天外落林火雨中微
水立黃龍鬪沙霑白鷺饑平生萬里志可奈夢西歸

舟中病感

寒望舟中遠鄉心病後多萬山通越水孤棹雜吳歌
霜已丹楓甚吾如白髮何倦遊常藥物歸思繞關河

安仁聞夜哭

縹緲因風訴哀哀何處音聲隨落月斷聽入過雲深
轉戰增新鬼誅求損衆心懸軍今更急寨滿碧山岑
得家書

隔歲纔通此一書真萬金時危作宦久家遠戰場深
慘慘屯黃霧紛紛走綠林怒來思擊楫時有渡江心

報生孫

強仕今爲祖家書昨舉孫行藏三代具生養九朝恩
長但修蘋藻愚從喚犬豚是時應解笑先夢繞夷門

徐義風阻雨雪

風急江船絕年殘野色凝密雲寒夜析流霰灑舟燈
四望湖天黑孤吟羈思增傍村有夫婦對火級魚聲

其二

南雪竟爲雨北風增野寒漏船喧夜語灘濕攪晨餐
轉苦人烟絕生憎鷗鷺乾吾行尚濡滯估舶爾應難

其三

阻舟江柳下信宿五湖中立水偏春雨飛沙半逆風
夜檣扶岸集漁火亂波空信有悲懼異應知易地同

其四

常年遇泛客煞厭說風波雨雪空江夜伊予悲慨多

沙人荷傘至灘鳥掠舫過幸及投簪會山中有薜蘿

徐汭阻舟七日

七日北風阻野灘舟不行僕奴增餓色妻子話征情
疎霰欺簾入流澌逐浪生獨吟江更苦詩罷欲三更

湖夜泛

烟湖迥不極搖搖中夜征棹發魚龍動人衝鴻鴈鳴
雪月物意慘雨天寒色生共有舟航事誰深途路情

廬山冬至聞雷

小至匡南兩空江此夜雷久憂羣蟄動急恐萬山摧
五戒寺事告余歸思催征鴻莫遽起擬爾北同廻

雪夜廬山翫月

廬山萬古月幾度雪邊明影傍素林滅層隨寒浪生
菽巖疑有缺侵鵲暗須驚轉恐羣星妬冰壺獨自行

南康聞還山之報

傳玄非侮世陶令合辭官客路青陽逼歸心白髮寬
江城消雪送春鴈倚舟看自此茫茫去都門昨挂冠

江州雨

潯陽困李白吾寓亦江州地轉濤聲逆城空山氣流
二儀風雨積雙鬢古今愁去鳥衝煙白偏迎故國眸

霽

日霽催江色心攀作楚氓
寒帷二載過歸劍五湖情
霜換湓溪葛林遷栗里鶯
忍看復新月廬岳夜猿鳴

七夕宜城野泊逢立秋

漢江天上水牛女世間宵
自動龜鼉影誰傳烏鵲橋
孤城古塞月一葉楚門潮
君看西流火分明奪斗杓

撥悶章園

秦客楚山北秋園古堞西
野風吹萬木禾徑臥孤麕
江漢歸舟迴關河落日低
可留吾便醉為愛白銅鞮

野風

山鳴野風至漢水白蕭蕭
月混魚龍腥雲蒸豺虎驕

有家驚節物不寐想前朝
萬古英雄跡江城夜寂寥

早起

炳燭搖襄水開門認楚山
風雲慘淡曙天地有無間
露盈也即白秋隨老鬢還
飛來何處鶻逸翮繞江關

繁臺歸集

萬里竟何事三年違此都
短墻殘菊在別業古臺孤
冬日低簷塔霜風靜野蕪
但看頭盡白莫恡酒重沽

繁臺歸興

臺榭歸來地江山戰後心
城空猶慕馬樹在只棲禽
看岳晴偏近俯河寒更深
風沙日日起梁父為誰吟

正月十日赴吳莊之宴

林臥百無事出城綠底希人初正月會春已柳條歸
就日蛛垂戶開尊蜂坐衣不知農話久天地一斜暉

其二

為赴吳莊飲因成禹廟遊佳車驚草綠坐石有雲流
落日街春晴 飢鴻集暮洲已拚頻載酒展轉問花丘

早春赴鮑相之飲

憐女一尊酒要予千古臺年從碧草換暖向玉杯來
海日連波動江鴻帶雪迴眾賓無處起吾醉欲徘徊

初春飲大道觀因題

日月浮生改山河此殿餘酒因儒彥至春入洞雲
何藥曾祛老求丹尚問書白頭風物裏爛醉是真如

宿江氏莊

黃昏水鷓呌沙頭人跡稀天清看月近野闊帶星微
客語喧莊犬風燈靜夜扉持醪忽自哂出郭每忘歸

題壁

客到惟雞黍農情愛汝真隔城因下榻曠野合留賓
騎苑沙明月鞭橋柳弄春忍能辭一醉天地漸風塵

春日余莊感舊

圃勝元因主花繁更屬晴醉重今日酒啼變隔年鶯

遇樹每共坐尋香時自行晚看風色異天地一含情

其二

名園多感激繼至轉芳菲節恨清明逼人憐故舊稀
暖煙低野淨雲日度花微莫漫愁春賞吾今已拂衣

雨過

賈誼有
早雲賦

倚杖何時暮林園雨過清斷絲猶舞燕入葉已沾鶯
無惜聲逗夜何妨坐到明旱雲吾欲賦愴惻為蒼生

雷電

丁丑年十月十
三日是日立冬

雷電交冬夜滂沱徹曉聞老夫偏不寐起立迴看雲
濕重菊垂檻鳴哀鴻趁羣明朝傳太史應有紀祥文

喜雨客會

萬物今逢雨吾堂晚集宿寒聲催電至猛力攪風頻
坐看水平席歸防泥沒輪沾濡無自苦憫憫是農人

晴

雨好晴亦好灑然詩興新雲分天欲斷日見地如伸
濕入紅蕖重乾回葉篠勻趁時樓可上萬里不風塵

曉

北斗脚下地東星明漸高霜初被山岳霞已閃波濤
寒鴈能羣過隣雞只亂號不眠聊自待紅日上林臯

早起莊上

爲農起常早每與雞鳴期露重花偏得林深鳥自遲
飛星當面過落月向人隨玉珮金門外遙憐待漏時
莊上晚歸

萬動各有息吾亦念吾棲鴉翅昏猶接花蹊曲欲迷
茅堂煙火外稚子竹林西自笑忙何事還家每宿雞

新秋又興

微風入枕簟林臥仰看星露氣秋元白天光霽益青
草蟲攢暗壁螢火閃疎櫺那解蕭森節都從一葉零

其二

猶記初朝歲寧知遽數秋庭梧碧自落曉意弱誰留

門閉人同夜心西火共流聞眠亦又則霜露隔松楸

深秋獨夜

獨夕偏聞鴈悠悠寢復興林堂下微月風色暗疎燈
遲暮心難已悲涼氣轉增憂來理琴瑟腸斷舊朱繩

郊園省水

莫辨田園路聊遵水國遊物情真困雨吾道本滄洲
避濘紆尋徑逢深屢借舟草玄亭好在坐數自來鷗

其二

斬木聊供釣當流且着闌雞豚各惆悵鷺鴨爾能寬
松菊陶元亮江湖陸務觀兼之吾過矣魚鳥鏡中看

余園春日

市居常少出花日復多風萬古繁華地三杯感慨中
步畦憐小摘攀樹惜初紅雷靄征雲外哀哀何處鴻

河上秋興

古有蒹葭客吾今水一方茅齋寒淅淅洲渚鬱蒼蒼
獵騎捎河雁歸人競野航霜高木葉下莫擬是瀟湘

其二

坐送登臨目晴空鳥路長秋雲不近苑宮樹自成行
河洛來天地人煙接渺茫采蘭空澤裏波美在何鄉

其三

日上秋林靜江清旅思微黃葉雨後黃白酒客來稀
今古三川地乾坤一布衣獨行吟望苦沙鳥背人飛

其四

名城急鼓吹野處散秋煙衆草莽零落孤松羞自妍
山川亂明水雲日媚高天何事楊朱子臨岐獨泫然

其五

後代看今代今人卽古人空傳歌舞地不見綺羅春
宋嶽饒寒草梁臺起暮塵蒼茫白鷺渚瀟酒類閒身

其六

白馬瓠子口秋風汾上歌帝鄉不可見千載白雲多

樹動江帆至雲前塞鴈過滄洲無盡極慷慨有漁蓑

其七

十載宋梁間雞鳴望四關月來天似水雲起樹爲山
朝市今何處流波去不還高秋未歸客腸斷濁涇灣

其八

一為梁地客忽及授衣天野靜寒煙白沙鳴暮雨懸
飛龍過絕浦立馬看長川望望蘋花盡鷗行若箇邊

其九

積雨催搖落江村菊自秋驚風振大壑天鴈下寒流
暗水斜穿竹孤雲晚抱樓虞卿足簡帙白首傲公侯

其十

不寐傷寒節孤吟遶菊行月沉李家浦雨入宋玉城
颼沓楊柳落斷續寒蛩鳴泛泛中河艇誰知此夜情

閒居寡營忽憶關塞之遊遂成七首

不寐傷寒節蒼茫六載還開軒延漢使對酒話燕山
鳥道增新戍天梯護上關白城煙火切鎖鑰未應閑

其二

西崦千家落防秋五百兵山長元入塞澗曲故穿營
靜夜聞熊羆黃昏報虎行昔時快歷覽三駐白洋城

其三

沙嶺爲黃
華東路

沙嶺長園入羊腸宛宛斜石危偏駭馬草動數驚蛇
古樹兼今樹巖花雜澗花向來行塞日親見五陵霞

其四 是為西路

往年趨北路今繞秦陵西晝黑垂蘿密山青禁木齊
獨僧攀杪出怪鳥趁陰啼寂寞黃華堞遙臨古塞溪

其五 黃華牙將張

孤蓬絕塞口匹馬戍城前跨迴煙墩直緣危石棧連
飛雲下獨石逝水入湖川舊對張軍帥題詩醉菊天

其六

銀山湯嶺北鐵壁斗門邊虎守千年寺人看一線天

赤崖崩古塔陰洞坼新泉尚記漁樵侶長歌過馬前

其七

弘治辛酉二月之望宿銀山寺觀鄧隱峯詩刻

春遊臨絕嶠月出臥空岑暫逐山中客常關物外心
三峰藏淨宇百里羨雲林崖際剗高隱何時一重尋

夏夜

閣幔霑初霽雲姿淡夕扃涼蟾輝遠樹昏墜下流螢
久靜通幽理沉思損性靈昔人渾未達白首著玄經

寄書

驛使殘年發家書向夜封當衢慙驥裏涉水憶芙蓉
紙短情難盡鄉遙恨易重孤燈遲明發寒月下疎鐘

春宴

白首聞歌異豪心遇酒多酒當花
湫澗歌與燕婆娑
暝色侵臺殿春風換綺羅未須愁
薄暮吾借魯陽戈

熊子河西使回三首

是時其軍殺都御史許銘

偶遇西河使真傳塞上情一春常凍雪千里半荒城
永斷白奴臂猶勸哈密征重聞帳下變無語對沾纓

其二

絕塞田誰廢甘州稻舊畦荒屯惟見兔破屋不聞雞
磧石烽煙北祁連戰鼓西平生邊務意一一願封題

其三

舊說窮源使人今出武威葡萄酒應炎足沙棗故攜歸
燧火真樵面胡塵尚黯衣問君春塞鴈曾過玉門飛

汴城東樓夏登

身世吾垂老中原北上樓陰陽真去鳥天地本虛舟
王峰千峰伏黃河一線流晴沙暮浩浩羨爾自行鷗

其二

危樓六月上樽酒四天開俯看高雲動涼疑海雪來
巒光杯裏見島影檻邊迴不見芒碭氣空深弔古哀

田園雨蕪客過三首

車馬人來地田園雨後心頽垣疎柳臥漏屋野花侵

稼穡悲生事琴樽伴苦吟自無農圃學不敢怨商霖

其二

地下經年雨田乾滿目蒿繞籬荒苦竹小架剩葡萄
閒寂人還至壺觴興並高草途煙欲暝猶遣貫村醪

其三

廢舞懽能勝羣遊百任爲持竿探乳雀擲石打黃鸝
落果呼兒拾逢花折自隨黃昏休擬駕郊月已曾期

大道觀會飲

敞閣元無暑清林更著煙入觴金像側馬繫石門前
蓬草侵之壇花落酒鮮丹青半磨滅何處問諸天

其二

殿閣生秋早壺觴散客遲蟬吟松露下鶴入島雲隨
塵世人堪醉蓬萊路竟疑羨門如可作願與跨青鷺

其三

開筵傍洞花盤堆白石髓觴瀉赤城霞
靜悟陰陽轉衰從髮鬢華看君有仙骨倘許授丹砂

人折牡丹見贈賦之

俗眼開爭折花心抱自知色新兼露至香在有蜂隨
老病傷春日乾坤傍杖時落紅紛點點忍把出羣枝

客至

宛宛酒船至依依小隊過亭於草玄近溪比浣花多
繫馬穿芳樹持杯向碧蘿更謀泉上飲無遠促鳴珂

其二

訪隱春行早衝風野興豪鹿銜初出草鶯坐半開桃
一叟煙霞僻羣公位望高浚郊元此地今日又千旄

偶題

孤正 暮 獨坐一花飛老更知春色閒能到夕暉

微風偏煽蔓返照故燠衣隔院香逾好呼兒莫掩扉

南莊塘水淥漫補治小舟乘興泛遶數廻

久懷浮海意偶觸濟川心一艇方堪親香然春水深

桃花能泛泛雲日故陰陰還艤綠湯下番憎黃鳥音

月槐之下與程生談亦念其夏游自去歲

月出槐初定風微影尚搖念離仍是夏拚坐忽分宵

塵沙去路遙別情兼望雨白首夜頻翹

早時偏苦熱沙國每愁風今夕客談處孤槐清月中
露凝天故白榴近夜能紅明發衝南暑逾江莫更東

秋雨

簷雨響不絕披衣中夜興寒聲壓高閣濕氣逼疎燈
一鴈叫何處數蛩吟可憎誰能奮長劔割破黑雲層

聞鴈

慘澹胡風起連鳴上碧霄
纔聞秋浦外已復夕山遙
哀故欺霜角清應斷夜簫
南樓有思婦夢恰到西遼

喜雪

一建裘能着寒吟雪故行袖
承花數出履蹴霰求聲
二真應四海平久知三白貴
吾已十年耕

噴雪

怪爾梁園樹先春忽自花
態多低復起形弱直還斜
祗解光迷鶴無能色變鴉
玉樓銀闥裏汝敢鬪瑤華

雪晴

餘雪且休騁高空微欲曛
盈盈看玉樹澹澹入黃雲
奮激鷗連起啁啾雀自羣
巖風暮益發天隙認星文

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

歲月一陰長乾坤雙鬢蒼
北窓聊復爾敢謂上羲皇

空同子集

卷之二十四終

空同子集

卷之二十五

北郡李夢陽撰 東莞鄧雲霄欵潘之恒蒐校

詩類五之三 五言律

酬京師友人見寄

繁臺餞客二首 送秦子

聞李公寓郊園寄贈

答伊陽殷明府見寄

寄殷明府二首 送鮑生下第南歸

杭刑部淮談其師寓

南陽宅訪徐禎卿

張子抱疴避諠山寺闊別旬月作此懷寄

寄錢水部榮

風夕柬徐子

送舍姪木還汴

得何子過湖南消息

憶何子

何子至自滇

春歸柬謝員外

晚過序上人

再過序公月夜

晚過定上人

秋雨訪李鍊師

送鮑光雄南歸

田生聞余浩然訪於東郭花下酒集二首

余氏園莊二首

庚午十月余氏東莊

送人還關中

寄贈內弟玉園居

毒熟在獄呈陳運使數暨潘合事中希曾

延慶觀訪陳州王君

徙泰公方丈秋夜

康狀元話武功山水

發京呂狀元送出城

答何子問訊三首

阻雨明港寄何子二首

賢隱寺集贈

贈鍾子漢上

獨對亭贈人過訪

發貴溪高子輩舟送

寄贈林都御史二首

贈何君辭官歸里

新喻遇薛子送贈二首

立春寄楊君京口

顧子謫全州贈二首

與樾堂子晚步四首

九日楚山太華君同登

送鄭生南歸二首

繁臺書院同邊子三首

臺館訪李秀才濂

寄許監察二首

東黃子二首

許君話遊感舊四首

酬唐禮部見寄

首二

贈張工部沐上

答許監察百泉和章兼泄所懷三首

和許監察聞報之作

送張監察還朝

伏日許君館亭晚酌二首

送陳左使赴貴州二首

早秋監察許君見過

寄王贛榆

寄李濂兼呈何子

寄王生

酬寄徐子秋日登鏡光閣見憶

贈孟明府自桂林量移汶上

寄王子蘇州三首

寄孟縣張明府

酬徐子春日登樓見寄

送許監察還朝二首

再贈許君

右次贈答九十八首

五言律三

贈答一

酬京師友人見寄作

浮雲悲故國積水起鳴雷不見長安日愁登古吹臺
故人三月別天上一書來欲問經行處山中杜若開

繁臺餞客二首

異地同爲客看花更屬秋雲連去國日鴈引望鄉愁
隴樹迷關道吳山蔽驛樓忍將宋玉恨還共李膺舟

其二

萬里遊燕客十年歸此臺只今秋色裏忍爲菊花來
霜露凝秦望衣冠餞楚材不堪分袂苦落日一鴻哀

送秦子

梁國秋砧滿范陽風葉稀如何故人去不與鴈同飛
北路蒹門苦寒天易水微君行莫怨霧霜日指南輝

聞李公寓郊園寄贈

幾日棲東嶼昔林今若何主人能醉客世事且狂歌
黃鳥晴吟竹紅蕖晚出波自憐門士未抵病阻鳴珂

答伊陽殷明府見寄

古縣垂新柳獨吟酬好春琴清山在眼花碧酒隨人

奈此河陽少曾於漢署親郵筒定不惜有句念沉淪

寄殷明府

自枉去年札約爲嵩少行夢常飛洛水詩屢到伊城
蘿殿王喬鳥花臺子晉笙君行奮雙翮吾此學長生

其二

可怪伊陽尹冬來不寄詩徒懷白雪調况逼暮雲時
日落山城黑風鳴邑樹悲身危屬撫字爲爾一凄其

送鮑生下第南歸

只期橫直上豈料戢鱗歸抱玉終難掩投珠安所稀
秋風吹獨馬落日照征衣南到江亭上還瞻北鴈飛

杭刑部淮談其師舊

國難逢驕虜時危惜俊才鹽車在泥淖騏驥亦悲哀
片月清秋照商風一夜來思君不相見惆悵對西臺

南陽宅訪徐禎卿

東閣能留第南人暫亦居琴書遷臥內騎馬到堂除
殘樹喧巢鵲微風走壁魚追思秉釣日冠蓋爛盈間

張子抱痾避誼山寺闊別旬月作此懷寄

楚楚張公子悲吟度歲華棄官臨野寺服習向山家
石髓遇不識黃精春始花洞中日月秘強食勝丹砂

寄錢水部榮

雪時揮袂別見雪即懷君河館冬難暮沙洲晚更雲
清為蒼水使靜對白鷗羣昨夜尋君夢微茫路不分

風夕柬徐子

嚴冬萬卉寂朔吹迥添愁嶺日微含照川雲半逆流
頻齋忘肉味乍冷覓羔裘差勝山陰夜能孤訪戴遊

送舍姪木還汴

天涯逼除夕念爾獨歸人夜宿蘆溝雪朝逢易水春
為駒先汗血藏劍莫愁身到及張燈候遙知戲彩頻

得何子過湖南消息

及遇荆門信洞庭秋已凄湘江饒苦竹幾聽鷓鴣啼

馬援留銅柱王褒祀碧雞向南衝瘴癘藥物去曾携

憶何子

其兄時為
巴陵知縣

憶爾辭京日余歌萬里行經秋無過鴈索處若為情
去已窮滇海歸應滯岳城鳳凰池上草春到為誰生

何子至自滇

醉折荷花別寧期花復開川原一回首雲日共徘徊
知向百蠻去云從三峽來進舟雖一賦胡棄楚陽臺

春歸柬謝員外

寂寂鳴禽變陰陰弱絮飛煙花從客久風雨會春歸
且盡追隨飲休傷節序違無端臨暮景番憶謝玄暉

晚過序上人

塔日微微墮禪居隱隱涼軒開惟有竹坐定始聞香
萬古風塵地三生水月鄉頻來尋白社不爲禮空王

再過序公月夜

歲已殘冬逼月餘今夜圓光侵僧磬發清傷佛樓懸
鳴鳥疑深樹高雲靜暮天夙心如解此更欲問何禪

晚過定上人

中秋鏡閣臨向晚過西林月自湖間動鵲翻祇樹深
靜宜鐘磬發寒更塔廊陰萬物輝今夕悠悠塵外心

秋雨訪李鍊師

便靜尋丹侶飛梁度赤城洞花含雨落階鶴下松迎
雲霧生仙袂秋寒咽鳳笙余情會浩蕩先品步虛聲

送鮑光雄南歸

世事風波遠悠悠素髮新乾坤萬里色江海獨歸人
岸柳牽行舫汀花照暮春山中采芳杜好薦北堂親

田生聞余浩然訪於東郭花下酒集

花林吾自酌見覓爾情親轉覺花饒笑番驚蝶趁人
百年秦地客萬里宋宮春酒罷烟城暮無言對愴神

其二

今兄真國士吾子更超然同住孤城裏相邀東郭前

攀桃映落日折柳向春天更有梁臺約風塵入暮烟

余氏園莊

無端二月至不分百花開林坐斜陽入郊暄沙色來
穠葩偏近牖弱柳故臨杯共是天涯客無辭酩酊迴

其二

無端二月至一歲幾何春况接桃花暮難禁柳色新
君為避世客余是放歌人爛熳題詩徧林鶯莫漫嗔

庚午十月余氏東莊

南客招延屢東遊野興高乾坤侵蕭殺雲木半蕭騷
暖澤喧饑雀冬林秀晚桃時清還浪跡痛飲笑吾曹

送人還關中

見君驅去馬忽起望鄉思華嶽寒逾峻涇河繞自遲
躬耕爲谷口把釣憶皇陂何日一尊酒南山對不移

寄贈內弟玉園居

城市憐余獨鄉居見爾稀年華仍雪樹疾病有柴扉
烟起浦欲暝沙寒鴻自飢一身固不保萬事莫嗔違
毒熱在獄呈陳運使數暨潘給事中希曾

此地饒炎熱南中恐未然有風番助暑揮汗欲成泉
鳥避棲深葉蠅喧集滿筵百憂吾共汝流涕北風篇

延慶觀訪陳州王君

珠閣晴逾麗仙林午自和我來驅獨馬笑爾溺雙鷺
臘雪融樓薄溪風傷竹多雖非宛丘習吾醉亦婆娑

徙泰公方丈秋夜

秋林風色暮游子念征衣鴻鴈俱高起江山獨未歸
月臨蓮室靜螢傍竹林微喜對離羣友吾生本息機

康狀元話武功山水

夢寐閩中好連年未得歸側聞武功勝佳興益翻飛
水繞褒斜出山從盤屋圍因君覓水竹爲買釣魚磯

發京呂狀元送出城

一日清霜麗關河獨鴈飛征蓬各自遠會面後應稀
渭水縈秦塞南山繞漢畿料君鄉思切只恐未能歸

答何子問訊三首

伊汝投簪日憐余冒網羅江湖鴻鴈絕道路虎狼多
萬死還鄉井潛身葺薜蘿天涯歲仍晚無路覓羊何

其二

仲夏辭梁地中秋出夏臺醉行燕市月留滯菊花杯
日暮千行淚天寒一鴈來亦知張季子不爲食鱸迴

其三

弱冠真憐汝投閑更可哀山高桐栢觀水曲范滂臺
假寐憑巖桂潛行倚岸梅此時誰借問日短暮寒催

阻雨明港寄何子二首

白日雲猶動青山雨忽來計程今夜會策馬出村回
月對荆門上天從夢澤開旅燈依港宿吟苦獨徘徊

其二

微微山日舒彼美碧山隅信宿猶難遣經年祗重吁
花含明日艷月助此宵孤久擬申城醉香醪語爾沾

賢隱寺集贈

水落移舟穩山行酒暫隨寺高垂路細林密見僧遲
樓閣登臨日江淮獨去時不應聊駐此愈重白雲思

贈鍾子漢上

君爲薇省使幾度紫薇開髮以憂時白舟巡累月回
漢川驚會面江雨助停杯已約同船下安能曉霧來

獨對亭贈人過訪

孤亭瞰巨壑五老對街巵日出峰烟起風涼谷樹悲
石泉秋聽急山路晚歸遲異日東南賞應深廬嶽思

發貴溪高子輩舟送

旌旗飛近邑鼓吹送前舟禮餞諸生侍英寮並節遊
長風驅暝色密霰響寒洲見月帆猶進山陰恨子猷

寄贈林都御史二首

錦水啼鶯起巴山春望微干戈滿眼急江漢一舟歸

空同集
花送琴書色霜留斧鉞威所傷豺虎亂公也息鷗機

其二

諸葛能安蜀穰苴本善兵向來優起詔奮作急流行
老益丹心壯憂惟白髮驚祗憐川父老涕泣挽歸旌

贈何君辭官歸里

三年收夷郡萬里竟歸舟瘴離程畚雨雪乘江漢流
琴書頓縣邑五馬向山樓棠樹苗民種清陰應舊州

新喻遇薛子送贈二首

故舊日益遠寸心奚所安雨留杯酒暫明發楚途漫
炎暑百蠻盡風霜五月寒知君近南斗時倚鎮鄒看

其二

解劍別此水憐君向桂林徒持一杯酒其奈故人心
瘴癘秋行霽沉湘馬度深衡陽雖更遠莫遣鴈書沉

立春寄楊君京口

一水相望隔飄飄楚越身北風猶送兩南國暗憎春
雲入金山接波添彭澤新妙高峯上酒對酌是何辰

顧子謫全州贈二首

楚城悲遠望君去更悠悠十月逢南鴈章江况北流
寒沙帶宿莽霜日下孤舟明發湘東路應添吊屈愁

其二

空同集
蒼梧遺舜跡白雲秋氣愁君得人文地相傳是此州
山連夜郎密瘴入桂林收獨有思親淚非緣逐客流

與越堂子晚步四首

有伴沙行穩無雲楚望深江湖席下出樓觀鳥邊陰
共繫南來跡孤帆北逝心徘徊忽復晚朗月散松林

其二

晚俯林
有伴沙烟靜居然盡一城江圍二面白雨過四時清
沙廣偏升月花踈轉喚鶯可言南岫矮青檠斗牛平

其三

北郭浮沙暝西山擁坐真日猶銜殿閣江已下星辰

禹服苗風雜豐郊劍氣伸獨嗟征艦日歌吹滿城闈

其四

美樹沙能秀高花夏不踈江山百戰後登眺兩人初
楚月垂蛟淚燕山澁鴈書異時羊續壁喜接豫章魚

九日楚山太華君同登

不入襄陽府秋山每自來那知楚峰上還共菊花杯
帽落層雲迴風生萬壑開却思羊叔子峴首獨悲哀

送鄭生南歸二首

梁園杯酒罷江上泛舟歸白日孤帆隱青天一鳥飛
路分和靖宅潮接子陵磯羨爾隨玄豹還山戲彩衣

其二

挂席南風便烟霞北望深逢人著皂帽采藥鍊黃金
五月三江路扁舟四海心方山有叢桂誰與結雲林
繁臺書院同邊子三首

壺觴聊首夏文史更孤臺地主更來幾登臨每復陪
徑蘭迎節秀巖鶴撲驄迴落日凭軒外蒼蒼四嶽開
其二

駐賞林紅減登吟野綠圍故人率爾遇時序暗中違
氣突芒碭斷雲低孟澤飛昔賢誰復此無美酒酣歸
其三

興劇攀魏坐條然俯日斜亭扶盤石樹崖綴殿春花
薜服賓游憶青衿閃釣槎綢繆不欲別風野暮鳴笳

臺館訪李秀才濂

李生梁國彥少小事沉冥春日古臺上獨行楓樹青
花侵映雪壁鳥下草玄亭野闊看無際浮雲似洞庭
寄許監察二首

爲問乘驄使經春北未迴句刪淇竹寫尊泛鄴花開
昏曉行山外風雲每自來不知銅雀上臨望幾徘徊
其二

初擬周三晉何時已百泉吏人跳水外驄馬白楊邊

空同集
坐憶孫登嘯行吟衛女篇倒看峰不極炎日有霜烟

東黃子二首

約隱情非飾今歸悔卽遲田園荒欲盡親友半相疑
杯酒惟黃子儒門是白眉可能東郭枿日往聽黃鸝

其二

徑菊尚能得田瓜邵獨勤爲農消日月倚杖看風雲
挿柳俄成樹籠鷺忽一羣不須憂萬事客至且醺醺

許君話遊感舊四首

幾日離泉上泉香滿繡衣坐談觀水事想見采菱歸
石柱新留姓山藜亦借威朱君薄朱紱興在白雲飛

其二

泉館舊曾到跳珠今若何數年魚不小題壁客應多
照日輸金浪回風散錦渦君令樹齒替勿逼古龍窩

其三

亭榭逢君復原泉改色流噴珠連地涌仰鏡合天浮
掇蛤曾兼石移家欲狎鷗獵心萌自鄙日往水邊頭

其四

昔訪仙潭鯉春陰阻獨行至今看絕頂長日有雲生
爾昨褰帷過同深把釣情何時掣金鬣攜手萬峰晴

酬唐禮部見寄二首

僕踈鹵蕪鄙人也舉世棄焉於唐無一面之雅
迺今辱拔羣之顧偉文法筆吐露悃悞僕奚以
有此哉

萬事中年懶諸人近日踈不忘惟墨客願見有音書
倚伏休詢鵬生涯且釣魚問奇終缺酒不是草玄居

其二

蹈虎看賢遠攀龍幾奮飛長歌百年內慘淡萬情歸
種竹從過檻栽桑不慮衣神交古有在莫遣北鴻稀

贈張工部汴上

天意焚宮殿臣心急棟梁未花辭魏闕酷暑向咸陽
遇我真傾蓋憂時每罷觴塵沙一萬里分手向垂楊

答許監察百泉和章兼世所感三首

踈迂甘病足天地合藏身未卽辭城市何緣謝世人
恨無山在眼願與鹿爲鄰暑日情真倍蕭蕭水石濱

其二

吾門客不到永晝雀堪羅竹色間巾拂池涼颭芰荷
片雲感日卷雙燕掠虫過忽憶臺端使詩成只自哦

其三

睡起看雲坐敲門報吏來受書驚鯉躍投李得瓊迴
思爲源泉賦辭遵比興裁不須共林石三復野情開

和許監察聞報之作

忽爾西邊信飛傳過洛陽幾曾齊豕突何將最鷹揚
殺氣黃河接烽烟紫塞長籌兵有諫疏早晚達明光

送張監察還朝

北極星辰入山河斧鉞歸鳥爭車鷺疾雨逆蓋雲飛
御柳元搖珮臺花且襲衣聖心虛采納忍使諫書稀

伏日許君館亭晚酌

暑閣寒風暮林亭透日疎俯池閒白羽把酒躍金魚
興觸山花發心同水葉舒孰言臺務劇鎮日有琴書

其二

樹色寒文簞池光隱玉壺做筵真不暑愛客忽忘脯
鳥返爭栖柏魚懼自戲蒲回思闌闔子天地一洪鑪

送陳左使赴貴州

萬里洞庭西秋風入五溪瘴天開斧鉞山驛斷虹蜺
水出牂牁繞城臨井宿低堂間花樹紫簫鼓閱雕題

其二

郡縣收殊俗封疆託此臣去披炎嶺霧坐使瘴花春
獠部知徭賦夷官學縉紳誰期召伯樹蔽芾五溪濱
早秋監察許君見過

五柳驄偏繫三山雨乍過夏蟬猶咽竹夕露欲傾荷

空同集
卷二十五
春此青雲客懷余白石歌相看恨易晚燈火發烟蘿

寄王贛榆

自汝謫東縣朝朝看海頭書纔一紙到別已十年周
日就晚潮落城浮淮水流知君負楚調激烈向清秋

寄李濂兼呈何子

仲言何
遜字

識汝塵埃際飛騰步步高許身元稷契努力更風騷
暫亦遊香署終能奪錦袍仲言應過數萬里兩鴻毛

寄王生

重九書新寄他時意獨傷故山吾別久籬菊晚誰芳
日月徒鴻鴈乾坤尚虎狼松楸圍幾大人發淚千行

酬寄徐子秋日登鏡光閣見憶

歲晚湖間閣秋臨共爾曹路疑銀漢上身近紫宸高
霜色諸天鏡窻風四海濤別離誰復此檻望獨揮毫

贈孟明府自桂林量移汶上

少年東邑宰萬里北還人桂已他時苦花須滿眼春
偶逢思宿昔臨別見交親莫小牛刀試元為驄馬臣

寄王子蘇州三首

獨立望南天秋空月會圓此時一樽酒憶爾隔嬋娟
並馬遊燕口孤舟去越年斷腸今萬里心折暮江前

其二

三十烏臺使投冠竟黑頭田園是故里江海有新舟
把酒看鴻舉開窻面虎丘不須慨今古吾伴鹿麋遊

其三

舊交多鬼錄吾子獨仙鄉幸自饒強健何心說廟廊
稻輸吳郡白橘足洞庭黃飽飯教兒女攤書日滿牀

寄孟縣張明府

同年多出宰獨爾得河陽背郭圍王屋開門對北邙
詞章前令掩桃李舊花香何日乘雲起雙鳧入帝鄉

酬徐子春日登樓見寄

三月垂楊合風花滿帝州伊予直北望爾上幾層樓
紫塞連天起黃河抱地流春烟動萬里何處覓前遊

送許監察還朝二首

杯酒豈無友知音誰復多君今萬里去吾奈好春何
路草隨船碧山鶯近驛歌尚思文話地驄馬月中過

其二

吾園花爛熳子特駐驄看偶念明朝別先違兩地歡
勝之元執斧陶氏合投冠去住情俱得離杯莫放乾

再贈許君

緣岸百花開樓船二月迴人依鐵甕望鳥避柏烏來
禮樂還朝疏山川畫笏才太微遙已入新彩近三台

空同集

書笏虞
允文也

空同子集

卷之二十五 終

